

Na osnovu člana 17. stav (1) Zakona o izvršavanju Budžeta Kantona Sarajevo za 2016. godinu ("Službene novine Kantona Sarajevo", br. 1/16 i 19/16), po zahtjevu Ministarstva finansija, Ministar finansija donosi sljedeću

ODLUKU

**O PRERASPODJELI SREDSTAVA U BUDŽETU
KANTONA SARAJEVO ZA 2016. GODINU ZA
BUDŽETSKOG KORISNIKA MINISTARSTVO
FINANSIJA**

1. Odobrava se preraspodjela sredstava u Budžetu Kantona Sarajevo za 2016. godinu u iznosu 217.300,00 KM u razdjelu 19010001 Ministarstva finansija i to:

Raz.	Glava	Podr. jed.	Ekonom. kod	Sub-analitička	Funkcija	OPIS	Iznos
19	01	0001				MINISTARSTVO FINANSIJA	
						Sa ekonomskog koda (budžetska sredstva)	
19	01	0001	611100		011	Bruto plaće i naknade	90.000,00
19	01	0001	612100		011	Doprinosi poslodavca	13.800,00
19	01	0001	613900	JAK007	011	Troškovi spora	18.000,00
19	01	0001	616300		017	Kamate od donosnog povajmivanja	71.000,00
19	01	0001	821300		011	Nabavka opreme	20.000,00
						Na ekonomski kod (budžetska sredstva)	
19	01	0001	611227	JAK003	011	Naknade u slučaju smrti i teže invalidnosti	6.000,00
19	01	0001	613100		011	Putevi troškovi	2.200,00
19	01	0001	613900	JAK005	011	Ostale usluge	35.000,00
19	01	0001	613900	JAK006	011	Usluge za održavanje RAS, COP-a, JRT-a i softvera	20.000,00
19	01	0001	821500		011	Stalna sredstva u obliku prava	75.500,00
19	01	0001	825200		011	Otplata stranih finansijskih institucija - iz primiraka	71.000,00
						1.336.700,00 KM	
19	01	0001	823300		011	Otplata domaćim finansijskim institucijama	100,00
						Sa ekonomskog koda (sredstava transfera)	
19	01	0001	616200		017	Kamate za ino kredit	7.500,00
						Na ekonomski kod (sredstava transfera)	
19	01	0001	614800		011	Drugi tekuci rashodi - povratni povremeni ili više uplaćenih sredstava na Jedinstveni račun Trezora	7.500,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-sl/16
31. decembra 2016. godine
Sarajevo

Ministar
Prof. dr. Jasmin Halebić, s. r.

**Ministarstvo za rad, socijalnu politiku,
raseljena lica i izbjeglice**

Na osnovu čl. 66. i 67. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 16. stav 3. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16), ministrica za rad, socijalnu politiku, raseljena lica i izbjeglice Kantona Sarajevo donosi

PRAVILNIK

**O PLAĆANJU TROŠKOVA IZDAVANJA LIČNIH
DOKUMENATA**

Član 1.

(Uvodna odredba)

Ovim pravilnikom se propisuje vrsta ličnih dokumenata, uvjeti za odobravanje sredstava za plaćanje i način plaćanja izdavanja ličnih dokumenata.

Član 2.

(Osobe kojima se plaća izdavanje ličnih dokumenata)

Osobama koje su smještene u ustanove socijalne zaštite, a koje nemaju sredstava za plaćanje izdavanja ličnih dokumenata, mogu se odobriti sredstva u tu svrhu.

Član 3.

(Vrsta ličnih dokumenata)

Lična dokumenta za koja se mogu uplatiti novčana sredstva iz člana 2. ovog pravilnika su:

- lična karta,
- zdravstvena knjižica,
- pasoš.

Član 4.

(Uvjeti i način odobravanja novčanih sredstava)

- Ustanova socijalne zaštite (u daljem tekstu: ustanova) koja smatra da neka osoba koja je smještena u ustanovu, nema sredstava za plaćanje izdavanja ličnih dokumenata, dostaviće Javnoj ustanovi "Kantonalni centar za socijalni rad" (u daljem tekstu: Kantonalni centar) prijedlog za plaćanje izdavanja ličnih dokumenata za ovu osobu.
- Ukoliko u provedenom postupku po prijedlogu ustanove, Kantonalni centar utvrdi da osoba iz stava (1) ovog člana nema sredstava za plaćanje izdavanja ličnih dokumenata, Kantonalni centar će uputiti zahtjev Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) radi plaćanja izdavanja ličnih dokumenata.
- Zahtjev mora sadržavati obrazloženje iz kojeg je vidljivo da osoba smještena u ustanovi socijalne zaštite nema sredstava za plaćanje izdavanja ličnih dokumenata.
- Postupajući po zahtjevu iz stava (3) ovog člana, Ministarstvo će izdavaocu ličnih dokumenata uplatiti novčana sredstva koja se isplaćuju iz Budžeta Kantona Sarajevo sa pozicije NAM005 Socijalna davanja - Zakon, te Kantonalnom centru dostaviti obavještenje i dokaz o plaćanju ovih sredstava.

Član 5.

(Stupanje na snagu pravilnika)

Ovaj pravilnik na snagu narednog dana od dana objavljivanja u "Službenim novinama Kantona Sarajevo".

Broj 13-02-35114/16
19. januara 2017. godine
Sarajevo

Ministrica
Amela Dautbegović, s. r.

Na osnovu člana 68. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u skladu sa članom 6. stav 2. Uredbe o subvencioniranju troškova grijanja ("Službene novine Kantona Sarajevo", br. 4/05, 7/08, 37/13 i 51/14), ministrica za rad, socijalnu politiku, raseljena lica i izbjeglice Kantona Sarajevo donosi

NAREDBU

**O VISINI MJESEČNOG NOVČANOG IZNOSA
SUBVENCIONIRANJA TROŠKOVA GRIJANJA**

Član 1.

Ovom Naredbom utvrđuje se visina mjesečnog novčanog iznosa subvencioniranja troškova grijanja po Uredbi o subvencioniranju troškova grijanja ("Službene novine Kantona Sarajevo", br. 4/05, 7/08, 37/13 i 51/14).

Član 2.

Visina novčanog iznosa subvencioniranja troškova grijanja za mjesec januar, februar i mart 2017. godine iznosi 80,00 KM mjesečno.

Član 3.

Ova Naredba stupa na snagu danom donošenja i objavit će se u "Službenim novinama Kantona Sarajevo".

Broj 13-14-1409/17
17. januara 2017. godine
Sarajevo

Ministrica
Amela Dautbegović, s. r.